



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

3. De ijs, pro quibus, & à quibus Christus patitur

[urn:nbn:de:hbz:466:1-60091](#)

formosus in stolâ suâ, gradiës in multitudine fortitudinis suæ!

His inter se tam miris combinacionibus collatis, prorumpe in prædictos affectus, proponendo eos in futurum ardentius frequentare, & re ipsa demonstrare, cauendo hos vel illos defectus, sic exercendo amorem, resignationem per exhibitionem operis.

De ijs, pro quibus, & à quibus Christus patitur. III.

I. **C**hristus ab æternitate decreuit, totâ vita desiderauit, tempore passionis pati dignatus est, tam indigna, tam atrocia primum pro omnibus hominibus, culpâ suâ vilissimis, abiectionissimis, miserrimis, cum possent, si vellent, esse ex gratia nobilissimi, honoratissimi, felicissimi.

Nam 1. ex gratia insigniti erant imagine Sanctissimæ Trinitatis, & in filios Dei, in protoplastis parentibus, ante lapsum, adoptati, plurimi etiam tales in Christo per baptismum regenerati: at culpa sua assumpserunt characterem diaboli, & facti sunt eius servi, & iræ filij.

2. Iure hæredes erant regni cœlestis.

ex

ex gratia : at reatum gehennæ ignis
contraxerunt malitia sua.

3. In honore erant apud Deum , &
Angelos, ob communicatam sibi grati-
am: at per peccatum facti opprobrium
Dæmonum , æternam incurserunt
ignominiam.

4. Ex gratia donati erant innocentia
stola: at hanc fœdarunt & perdiderunt
incuria sua.

5. Ex gratia ornati erant fide , spe
charitate, alijsq; charismatis , quibus
si vellent, ad insignem possent pertin-
gere gradum sanctitatis : at proterua
sua his vti noluerunt, & in profundum
iniquitatum omnium se præcipites de-
derunt.

6. Amabiles ob gratiam erant Deo, &
Angelis; execrabiles Dæmonibus: at
sponte sua maluerunt gratia & amici-
tia Dei excidere, & dæmonum amici-
tiam ambire.

7. Vitam æternam ac beatam filiorū
Dei in manu habebant, nam *Deditus*
potestatem filios Dei fieri : at ipsi elege-
runt potius æternam mortem inimi-
corum Dei.

Deinde hæc decreuit, desiderauit &
dignatus est pati pro ingratissimis, i.
pro tot donis naturæ, quæ illi in ar-
ma,

Ioan. I.

ma, quibus in ipsum insurgerent, erant
conuersuri. 2. pro tot charismatis gra-
tia, quibus erant vel abusuri, vel osci-
tanter usuri. 3 pro tot promissis bonis
gloriae, quibus se indignos erant reddi-
turi. Denique pro hominibus tanto
beneficio indignissimis, 1. ob tantam
prædictam ingratitudinem 2. ob tan-
tam abominandorum scelerum multi-
tudinem. 3. ob tantam eorundem enor-
mitatem. 4. ob tantam tot nolentium
resipiscere proteruitatem 5. ob tantam
æternarum blasphemiarum tot dam-
nandorum atrocitatem.

Overè inæstimabilis charitas Sal-
uatoris nostri, quam non potuerunt
extinguere tantæ aquæ ingratitudi-
num, tot flumina immanum flagitio-
rum, prælestum cum haec omnia claris-
simè semper ob oculos eius versaren-
tur! cuius cor lapideum non moueatur
ad compassionem, compunctionem,
amorem, proficiendi in spiritu feruo-
rem, sic Christum, sic se alloquenter
attente audiat!

En ego, natura Filius Dei & verus
Deus, dignatione filius hominis & ve-
rus homo, tanta patior pro te, qui eras
ex gratia Filius Dei, haeres regni, cœlo
honorabilis, innocentia clarus, amabi-
lis

lis Deo & Angelis, consors beatæ immortalitatis , at culpa tua factus es mancipium diaboli, reus gehennæ, abominabilis incolis cœli, victima orci. Quæ donis naturæ & gratiæ sic es abusus? quoties contempsti , & tam temere perdidisti tot coronas, quas tibi tanto pretio comparaui , incóparabilis gloriæ? Quoties respuisti oblatam tibi resipiscendi gratiam ? Reuertere nunc tandem ad me & suscipiam te. His expensis excita p̄dictos affectus. H. Christus simili modo ab æterno decreuit , tota vita desiderauit , & in tempore pati dignatus est singula ab illis omnibus, à quibus passus est, talibus, vt supra, tam vilibus, ingratis, indignis, & quidem à summis , medijs, inimicis ; à principibus & plebeis ; à sacerdotibus & laicis; à militibus, lictoribus, apostata Iuda, diabolis seu principibus tenebrarum harum , quorum tantam erga se inuidiam, odium, rabiem, tantam pro tot beneficijs ingratitudinem , tantam scelerum immanitatem, tantam mentis cæcitatem, tantam in pessimâ voluntate pertinaciam, tantam æternorum suppliciorum ipsis luendorum atrocitatem clarissimè intuebatur: cum tamen eos, acceptis dæmoni-

monibus obstinatis , & tenerimè amaret, & ardentissimè eorum salutem desideraret. Renouandi & hīc affectus prædicti.

III. Idem demūm misericordissimus Saluator, omnia, quæ passus est, ab æterno applicare voluit, & in tempore applicauit, & nūc etiam applicat, peculiari modo singulis Electorum ex gratuia misericordia , non obstante tanta nonnullorum ex ipsis ingratitudine, tanta delictorum numerositate & grauitate , tantā in eius seruitio tepiditate. An non & te vnum ex illis agnoscis? si sic, agnosce calpam, deprecare veniam , mirare eius bonitatem, tuam obstupesce stupiditatem, & subiunge affectus compunctionis , gratitudinis, amoris, zeli proficiendi in spiritu , & in particullari hæc vel illa emendandi, reformati, &c.

De ijs, quæ Christus passus est generatim. IV:

I. C Hristus uti ab æterno pati voluit , ita in tempore sponte sua passus est in anima sua, quantumuis iugiter clara Dei, visione, amore & gaudio beatifico perfruente , per ingens miraculū maximos dolores, mærores, ango-